



Broj: 07-11-177/26
Vogošća, 07.05.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 07.05.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU USLUGE IZRADE GLAVNOG
PROJEKTA SAOBRAĆAJNICE U ULICI BLAGOVAC II SA PRIPADAJUĆIM KRAKOVIMA U
UKUPNOJ DUŽINI CCA 1.760 M, OPĆINA VOGOŠĆA

Član 1.

Ponuda ponuđača "Modus Projekt" d.o.o. Kakanj, ulica Alije Izetbegovića b.b., Kakanj, odabrana je za nabavku usluge izrade glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1.760 m, općina Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 7.392,00 KM bez uračunatog PDV-a, odnosno 8.648,64 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 03.03.2026. godine donio Odluku o pokretanju Otvorenog postupka za nabavku usluge izrade glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1.760 m, općina Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.03.2026. godine pod brojem: 1353-1-2-50-3-63/26.

Sažetak Obavještenja o nabavci objavljen je u "Službenom glasniku BiH" broj: 20/26 od 13.03.2026. godine.

Tendersku dokumentaciju sa Portala javnih nabavki BiH je preuzelo 32 (tridesetdva) ponuđača. Krajnji rok za dostavu ponuda bio je 26.03.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.03.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 15 (petnaest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1.	"Plan Projekt" d.o.o. Sarajevo	8.096,00	/	/	9.472,32
2.	"PPG" d.o.o. Sarajevo	8.950,00	/	/	10.471,50
3.	"Radis" d.o.o. Istočno Sarajevo	11.299,20	/	/	13.220,06
4.	"Talweg" d.o.o. Tuzla	13.640,00	/	/	15.958,80
5.	"Urbis Centar" d.o.o. Banja Luka	8.150,00	/	/	9.535,50
6.	"Ipsa Institut" d.o.o. Sarajevo	7.400,00	/	/	8.658,00
7.	"Divel" d.o.o. Sarajevo	10.000,00	/	/	11.700,00
8.	"Wide" d.o.o. Visoko	9.660,00	/	/	11.302,20
9.	"Arting BH" d.o.o. Sarajevo	8.184,00	/	/	9.575,28
10.	"Design & QC" d.o.o. Sarajevo	10.560,00	/	/	12.355,20
11.	"AK Konsalting" d.o.o. Sarajevo	8.800,00	/	/	8.800,00
12.	Institut za građevinarstvo "IG" d.o.o. Banja Luka	11.598,40	/	/	13.570,13
13.	"Modus Projekt" d.o.o. Kakanj	7.392,00	/	/	8.648,64
14.	"Infra" d.o.o. Sarajevo	10.000,00	/	/	11.700,00
15.	"Trasa" d.o.o. Sarajevo	11.440,00	/	/	13.384,80

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-177/26 iz marta 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuđač „Trasa“ d.o.o. Sarajevo je u cilju dokazivanja učinjenih pokušaja da pribavi potvrde o urednom izvršenju ugovora u skladu sa odredbom člana 48. Zakona o javnim nabavkama, u Ponudi dostavio ovjerenu i potpisanu Izjavu o uredno izvršenim ugovorima i ovjerene kopije Zahtjeva od 06.01.2026. godine upućene JP Autoceste Federacije Bosne i Hercegovine d.o.o. Mostar, Operativni ured Sarajevo, za izdavanje Potvrde o uredno izvršenom ugovoru. U cilju pravilne ocjene kvalifikovanosti ponuđača za učešće u postupku javne nabavke ugovorni organ Općina Vogošća je aktom broj: 07-11-177/26 od 08.04.2026. godine od JP Autoceste Federacije Bosne i Hercegovine d.o.o. Mostar, Operativnog ureda Sarajevo, zatražio dostavu informacije da li je ponuđač „Trasa“ d.o.o. Sarajevo, kao dio konzorcija u kojem je učestvovao u izradi projekata autoceste, uspješno realizovao navedene ugovore u omjeru sa kojim je učestvovao u realizaciji. JP Autoceste Federacije Bosne i Hercegovine je dana 05.05.2026. godine Komisiji za javne nabavke Općine Vogošća putem maila dostavilo Potvrdu broj: 05-80-1/26 izdatu dana 26.03.2026. godine na zahtjev ponuđača „Trasa“ d.o.o. Sarajevo. Uvidom u navedenu Potvrdu Komisija je konstatovala da je u istoj naveden podatak da je ponuđač „Trasa“ d.o.o. Sarajevo uspješno realizovao Ugovor sa JP Autoceste Federacije Bosne i Hercegovine d.o.o. Mostar, te je ocijenila da ponuda ponuđača ispunjava kvalifikacione uslove propisane Tenderskom dokumentacijom.

Komisija nadalje konstatuje:

Ponuda ponuđača „Talweg“ d.o.o. Tuzla nije u skladu sa Tenderskom dokumentacijom, jer u ponudi nije dostavljena Izjava o dostavi garancije za uredno izvršenje ugovora – Aneks 8 Tenderske dokumentacije.

Tačkom 8.2.1. Tenderske dokumentacije propisan je sadržaj Ponude, odnosno elementi koje ponuda mora imati, a pod stavkom 11. izričito je navedeno da se u Ponudi dostavi: „Izjava o dostavi garancije za uredno izvršenje Ugovora-Aneks 8“.

Također, ponuda ponuđača „Talweg“ d.o.o. Tuzla sadrži nepravilnosti u Aneksu 3 – Izjava o ispunjenosti uslova iz člana 45. stav (1) tačka od a) do d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), u kojem je naveden pogrešan naziv postupka – umjesto naziva: „Pružanje usluge izrade Glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1760 m“ upisan je naziv: „Pružanje usluge izrade glavnog projekta sanacije i na dijelu rekonstrukcije saobraćajnice u ulici Blagovac I u ukupnoj dužini cca 2.170 m, općina Vogošća“.

U Ponudi ponuđača Talweg“ d.o.o. Tuzla u Aneksu 4 Izjava iz člana 52. Zakona o javnim nabavkama ("Službeni glasnik BiH" broj: 39/14, 59/22 i 50/24) upisan je pogrešan naziv postupka - umjesto naziva: „Pružanje usluge izrade Glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1760 m“ upisan je naziv: „Pružanje usluge izrade glavnog projekta sanacije i na dijelu rekonstrukcije saobraćajnice u ulici Blagovac I u ukupnoj dužini cca 2.170 m, općina Vogošća“.

Obzirom da Ponuda nije u skladu sa uslovima propisanim Tenderskom dokumentacijom, a u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ponuda ponuđača „Ipsa Institut“ d.o.o. Sarajevo nije u skladu sa Tenderskom dokumentacijom, jer je ponuđač izostavio da u Obrascu za cijenu ponude – Aneks 2 upiše jediničnu cijenu bez PDV-a.

U Obrascu za cijenu ponude – Aneks 2 Tenderske dokumentacije izričito je navedeno:

Napomena:

1. Cijene moraju biti izražene u KM. Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak i ako se radi o iznosu 0,00 KM).

Obzirom da je ponuđač propustio da upiše jediničnu cijenu u obrascu za cijenu ponude, to je njegova ponuda ocijenjena kao nepravilna, a kao takva nije prihvatljiva za ugovorni organ, sve u skladu sa sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24).

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Plan Projekt" d.o.o. Sarajevo,
- "PPG" d.o.o. Sarajevo,
- "Radis" d.o.o. Istočno Sarajevo,
- "Urbis Centar" d.o.o. Banja Luka,
- „Divel“ d.o.o. Sarajevo,
- „Wide“ d.o.o. Visoko,
- "Arting BH" d.o.o. Sarajevo,
- "Design & QC" d.o.o. Sarajevo,
- „AK Konsulting“ d.o.o. Sarajevo;
- Institut za građevinarstvo "IG" d.o.o. Banja Luka,
- „Modus Projekt“ d.o.o. Kakanj,
- "Infra" d.o.o. Sarajevo i
- "Trasa" d.o.o. Sarajevo,

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da postoji računska grešaka u Ponudi ponuđača "PPG" d.o.o. Sarajevo, ponuđača "Urbis Centar" d.o.o. Banja Luka i ponuđača „Infra“ d.o.o. Sarajevo.

Postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) Komisija za javne nabavke je izvršila ispravku računске greške, tako da:

- u ponudi Ponuđača "PPG" d.o.o. Sarajevo ukupan iznos za stavku 1 umjesto 8.950,00 KM bez PDV-a trebalo je da stoji 15.752.000,00 KM; ukupna cijena bez PDV-a umjesto 8.950,00 KM trebalo je da stoji 15.752.000,00 KM, PDV umjesto 1.521,00 KM 3.150.400,00 KM i ukupna cijena sa PDV-om upisana je 10.471,50 KM a trebalo je da stoji 20.902.400,00 KM;
- u ponudi Ponuđača "Urbis Centar" d.o.o. Banja Luka ukupan iznos za stavku 1 umjesto 8.150,00 KM bez PDV-a trebalo je da stoji 8.148,00 KM; ukupna cijena bez PDV-a umjesto 8.150,00 KM trebalo je da stoji 8.148,00 KM, iznos PDV-a umjesto 1.385,50 KM treba da stoji 1.385,29 KM i ukupna cijena sa PDV-om umjesto 9.535,50 KM trebalo je da stoji 9.534,09 KM;
- u ponudi Ponuđača „Infra“ d.o.o. Sarajevo ukupan iznos za stavku 1 umjesto 10.000,00 KM bez PDV-a trebalo je da stoji 17.600,000,00 KM; ukupna cijena bez pDV-a umjesto 10.000,00 KM bez PDV-a trebalo je da stoji 17.600,000,00 KM, iznos PDV-a umjesto 1.700,00 KM trebalo je da stoji 2.992.000,00 KM i ukupna cijena sa PDV-om umjesto 11.700,00 trebalo je da stoji 20.592.000,00 KM.

Ugovorni organ je akt broj: 07-11-177/26 od 08.04.2026. godine dostavio ponuđačima na davanje saglasnosti za ispravku računске greške, te su ponuđači "PPG" d.o.o. Sarajevo, "Urbis

Centar" d.o.o. Banja Luka i „Infra“ d.o.o. Sarajevo, dali pismenu saglasnost na ispravku računске greške.

Član 2. stav (1) tačka I) Zakona o javnim nabavkama BiH ("Službeni glasnik BiH", broj 39/14, 59/22 i 50/24) propisuje da je neprihvatljiva ponuda "čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

U zvaničnom stavu Agencije za javne nabavke BiH objavljenom na web stranici Agencije za javne nabavke BiH od 28.04.2023. godine stoji: "također se neprihvatljivom ponudom smatra i ponuda čija cijena prelazi planirana, odnosno osigurana novčana sredstva ugovornog organa za nabavku. U otvorenom postupku javne nabavke i konkurentskom zahtjevu za dostavu ponuda, neprihvatljivost ponude se ocjenjuje u toku postupka, a u slučaju da je predviđena e-aukcija, neprihvatljivost se ocjenjuje prije zakazivanja e-aukcije".

Tačkom 9.4.2. tenderske dokumentacije kao i u Aneksu 2 – Obrazac za cijenu ponude navedeno je da se jedinična cijena stavke ne smatra računskom greškom, odnosno ne može se ispravljati.

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 14.080,00 KM bez uračunatog PDV-a, Komisija za javne nabavke smatra Ponude ponuđača "PPG" d.o.o. Sarajevo i ponuđača „Infra“ d.o.o. Sarajevo neprihvatljivim u skladu sa odredbom člana 2. stav (1) tačka I) 2.) Zakona o javnim nabavkama BiH kao i člana 8.1.6. TD, jer ponuđena cijena prelazi planirana, odnosno osigurana novčana sredstva ugovornog organa za nabavku.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1.760 m, općina Vogošća, kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Modus Projekt" d.o.o. Kakanj	7.392,00	8.648,64
2	"Plan Projekt" d.o.o. Sarajevo	8.096,00	9.472,32
3	"Urbis Centar" d.o.o. Banja Luka	8.148,00	9.534,09
4	"Arting BH" d.o.o. Sarajevo	8.184,80	9.575,28
5	"AK Kosulting" d.o.o. Sarajevo	8.800,00	8.800,00
6	"Wide" d.o.o. Visoko	9.660,00	11.302,20
7	"Divel" d.o.o. Sarajevo	10.000,00	11.700,00
8	"Design&QC" d.o.o. Sarajevo	10.560,00	12.355,20
9	"Radis" d.o.o. Istočno Sarajevo	11.299,20	13.220,06

10	"Trasa" d.o.o. Sarajevo	11.440,00	13.384,80
11	Institut za građevinarstvo "IG" d.o.o. Banja Luka	11.598,40	13.570,13

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Modus Projekt" d.o.o. Kakanj, za pružanje usluge izrade glavnog projekta saobraćajnice u ulici Blagovac II sa pripadajućim krakovima u ukupnoj dužini cca 1.760 m, općina Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 7.392,00 KM bez uračunatog PDV-a, odnosno 8.648,64 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

- | | |
|---|-------------------------|
| 1. „Plan projekt“ d.o.o. Sarajevo | planprojekt20@gmail.com |
| 2. „PPG“ d.o.o. Sarajevo | info@ppg.ba |
| 3. „Radis“ d.o.o. Istočno Sarajevo | radis.doo@gmail.com |
| 4. „Talweg“ d.o.o. Tuzla | info@talweg.ba |
| 5. „Urbis centar“ d.o.o. Banja Luka | office@urbiscentar.com |
| 6. „Ipsa Institut“ d.o.o. Sarajevo | info@ipsa-institut.com |
| 7. „Divel“ d.o.o. Sarajevo | info@divel.ba |
| 8. „Wide“ d.o.o. Visoko | wide.projekt@gmail.com |
| 9. „Arting BH“ d.o.o. Sarajevo | artingbh@gmail.com |
| 10. „Design & QC“ d.o.o. Sarajevo | designcqc@gmail.com |
| 11. „AK Konsalting“ d.o.o. Sarajevo | akk.bih@gmail.com |
| 12. Institut za građevinarstvo "IG" d.o.o. Banja Luka | info@institutig.ba |
| 13. "Modus Projekt" d.o.o. Kakanj | rodic.tony@gmail.com |
| 14. "Infra" d.o.o. Sarajevo | info@infra.ba |
| 15. "Trasa" d.o.o. Sarajevo | info@trasa.ba |
| 16. Nadležnoj Službi | |
| 17. U dosije | |
| 18. a/a | |

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA